

آبونه سرائطی

ممالك عثمانیه ده سنه لکی (۶۵)، آلتی
آیلغی (۳۵) غروشدیر .
ممالك اجنبیه ده سنه لکی (۱۷)، آلتی
آیلغی (۹) فراقتدر .

اداره خانه

باب عالی جاده سنده دائره مخصوصه

اضطارات

آبونه بدلی پشیندر .

§

مسلكه موافق آثار مع الممنونیه قبول
اولنور . درج ایدله یں یازیلر اعاده
اولونماز .

الکتاب

۱۳۳۰

دینی، فلسفی، علمی، ادبی هفته ای مجموعه اسلامیه در .

صاحب و مدیر

سر محرر

ع . اشرف ادیب

محمد عاکف

والله یهدی من یشاء الی صراط مستقیم

اتبعون اهدکم سبیل الرشاد

عدد ۳۰۹

۱۱ شوال ۱۳۳۲

پنجشنبه

۲۰ اغستوس ۱۳۳۰

جلد ۱۲

مسلمانلری حبس و احاطه ایدن زنجیرلری باره لایه حق و مسلمانلری اسارتدن تخلص ایله جه جکدر .
موسیو برونس ، بالخاصه هندستانده اختلال ظهورندن پک زیاده قورققده در .

هنرنامه اهتمامل هریانری . — آلمان مطبوعات اداره سندن : هندستان احوالنه زیاده سیله واقف بولان برخبار انکلیز هزیمتی حقنده آتیده کی معلوماتی ویریور : «انکلیز لک شمالی فرانسه ده کی هزیمتلی . انکلیز ایچون حاضر لاندان فنا حسابلرک بر مقدمه سیدر . آژانس رویترک بالان یا ککش خبرلرینه رغما بو هزیمت خبری . پک یقینه هند ایمرا . طور لنتک هر طرفه شایع اوله جقدر . هندستانده انکلیز علیه موجود جریانک بوصوک سنه لر ظرفنده برقات دها توسع ایلدیکی معلومدر . هند والی عمومیسیده داخل اولدینی حالده انکلیز اکابر مأمورینندن بر چوغی سوء قصدلره معروض قالمشدر . بوحال ، صاحبزور وسا کن هندولره وارنجهیه قدر بتون اهلینک مستبد انکلیز حقنده فصل برکین و نفرت بسله دکارینه دلالت ایلر . انکلیز لک اوروپاده هزیمتی زمانی حلول ایدیور . ۳۱۵ میلیون هند ، ۱۸۵۶ سنه سی اختلالندن دها مدهش بر اختلال چیقارمق تشبهنده بولنه جقلری شبه سزدر . بو دفعه کی اختلالک انکلیز ایچون غایت شئامت انکلیز اوله جنی جریان احوالندن استدلال ایدیه بیلیر . فضله اوله رق انکلیز لک بالقان حربنده کی پولتیقه سندن فوق العاده مغیر اولان یتش میلیون هند اهالی اسلامیه سی بو دفعه کی مجادله یه بتون غیرت دینه لرله آتیه جقلردر . هندستانده کی یتش بیک انکلیز عسکرینی بوصورتله بر حمله ده خرده خاش ایده جکدر .

بوسنه :

بوسنه ، هر سک مسلمانلری . — صوک پوسته ایله کان (نویه فرایه بره سه) غزته سی آوستریا — مجارستان ایله صربستان اردولری آره سنده کی محاربه لردن بحث ایتدیکی صرعه بوسنه ، هر سک مسلمان عسکرلرینک و محاربه لرده پک بیوک جسارت و قهرمانلق کوسترمکده اولدقلری لسان تقدیر و منتداری ایله قید ایتدکن صکره آوستریا لیر طرفدن بر چوق محاربه لرک قزانسی بالخاصه مسلمان عسکرلر سایه سنده اولدینی علاوه ایلور .

پک عظیم بر ضیاع

صوک زمانلرده پک قیمتلی بر چوق اولادینی غائب ایدن عالم اسلام بش اون کون اول ، امرالله افندی حضرتلری کبی دنیالر دکر بر وجود معززدن دها محروم اولدی . مرحوم مشارالیه پک ایرکن ، پک وقسز ارتحالی یالکز وطن عثمانی ایچون دکل ، بوتون جهان اسلام ایچون تلافیسی جدا مشکل بر ضیاع ایدر . حقیقت . احاطه علمیه سنده کی وسعت ، فکرنده کی اصابت ، مساعی سنده کی جدیت ، قلمنده کی قوت ، اخلاقنده کی متانت ، وجداننده کی صافیت امراللهی پک چوغمزک ، حتی ، سوق خیال ایدمه جکی قدر یوکسکله چیقارمشدی .

کندیسنی یاقیندن طانیانلر ، محس فضا ایلدن مستفیض اولانلر ،

یازیلری اوقومش اولانلر اونک ناصل بر نادره زمان اولدینی تسلیم ایتک ایچون دلایله راهنه محتاج اولمازلر .
امرالله پک محق اولان اشتهار ایدیسی اون بش سنه قدر اول نشر ایتش اولدینی لسان مقاله لرله باشلارکه اوقوتده بر یازی بی اوزمان دکل بوکون بیله مطبوعات عثمانیه محیطی مع الاسف کوره میور . مشروطیتی متعاقبده ملت بر خیلی مساعی تحریرانه سندن مستفید اولدی . آنجق بر مدت سیاسیات ایله مشغول اولسی کندیسنک اصل علم و عرفان ساحه سنده کوستره جکی فعالیتی بالصبع تنقیص ایتدی . امراللهدن بو وطن اصل بوندن صوکره خدمت کوره جک ؛ اصل بوندن صوکره کرکی کبی استفاده لر ایده جکدی . چونکه آرتیق سیاسیات عالمندن چکیلش ایدی ؛ آرتیق نشریات علمیه یه حصر وجود ایتک قرارینی ویرمش ایدی . و اسفا که اجل او وجود معززی بزه چوق کوردی . انا لله وانا الیه راجعون .

آثار منتشره :

سیاحتلرم

افاضل امتدن علی سعاد پک افندی حضرتلری نجده ، بصریه ، بغداد ، کربلایه ، مدینه یه ، وادی موسایه عائد اولان پک قیمتلی خاطرملری «سیاحتلرم» عنوانی ویرمش اولدقلری بر کتاب مخلصله نشر بویوردیلر . محرر محترمک عرفانی ، احاطه سی ، نفوذ نظری ، سلامت فکری ، صفای وجدانی مسلم اولدقدن بشقه ، بو خاطرملرک زیاده معلومز اولق ایجاب ایدرکن — کمال حجاب ایله سویلیورز — اک زیاده مجهولز اولان زواللی شرقزک الواح رنگارنگ الهامی اولدینی ایچون مطالعه سنه شتاب ایتدک . هر پارچه سنی دفات ایله اوقودق .

اخلاص مزدن شبه ایدلمه ملیدرکه بو کتاب مبین یالکز بر شعر مشور دکدر . اجتماعی ، سیاسی ، اداری ، اخلاقی ، دینی بر چوق مباحث مهمه یی احتوا ایتسی اعتباریه هم ادبی ، هم علمی بر اثر کرانقیمتدر . سبیل الرشادک محترم قارئلری علی سعاد پک افندی یی شبه سز تخطر بویوره جقلردر . لکن فاضل مشارالیه ده یاقیندن طانیق ، اونک پک علوی اولان روحنه بر ازدها محرم اولق ایچون بو اثری مطلقا اوقوما لیدرلر . «سیاحتلرم» کتابی ، هیچ شبه یوقدرکه ، انقلابی متعاقب یازیلان آثارک یارلاقلری ، هیئت اجتماعیه من ایچون اک مفید اولانلری آره سنده پک مستننا بر موقع احراز ایده جکدر .
ملتک کتبخانه عرفانه بویه مخلص بر اثر اهدا بویوردقلری ایچون محرر نحریره عن صمیم القلب تشکرلر ایدر ؛ طبع ایدیه جکنی وعد بویوردقلری دیگر کتابلری ده بر آن اول باصیلمش کورمک ایسترز . خالق لوح و قلم سعینی مشکور ایتسین .

اخطار

سبیل الرشادک انشاء الله شیه پک اون بش کونده بر نشرینه دوام اوله جقدر . آونه بدلاتندن طولای اولان اهمیتسز بورجلری ممکن اولدینی صورنده بوکونلرده نسویه همت ایتک لازم کله جکنی تقدیر بویورملری قارئین کرامدن رجا ایدرز